

Na osnovu člana 10. i 26. Zakona o obligacionim odnosima („Službeni list SFRJ“, br. 29/78, 39/85, 45/89 - odluka USJ i 57/89, „Službeni list R BiH“, br. 2/92, 13/93 i 13/94 i „Službene novine FBiH“, br. 29/03 i 42/11) i člana 57. Zakona o visokom obrazovanju („Službene novine Kantona Sarajevo“, br. 33/17, 35/20, 40/20 i 39/21), zaključuje se

SPORAZUM O SARADNJI U VEZI SA REALIZACIJOM STUDENTSKE/STRUČNE PRAKSE

između sporazumnih strana:

1. **“Alen.ba” Društvo sa ograničenom odgovornošću Sarajevo** (“Alen.ba” d.o.o. Sarajevo), sa sjedištem u Sarajevu, ulica Kolodvorska 11a, registrovano kod Općinskog suda u Sarajevu pod brojem: 65-01-0570-21, ID: 4202915910005, kojeg zastupa i predstavlja direktor Društva Alen Malkoć (u daljnjem tekstu: Društvo) i
2. Univerzitet u Sarajevu – Prirodno-matematički fakultet, ulica Zmaja od Bosne br. 33-35, registrovano kod Općinskog suda u Sarajevu, broj: 065-0-Reg-19-002276, ID: 4200494560252, kojeg zastupa i predstavlja dekan prof. dr. Nusret Drešković (u daljem tekstu: Fakultet).

Član 1.

Osnovne odredbe

- (1) Ovim Sporazumom uređuju se međusobna prava i obaveze sporazumnih strana u vezi sa realizacijom studentske/stručne prakse sa studentima (u daljem tekstu: *Praktikantima*) Fakulteta.
- (2) Pod stručnom/studentskom praksom podrazumijeva se praktični rad, odnosno praktično osposobljavanje studenata studenata, bez naknade, a u svrhu sticanja praktičnog znanja i primjene stečenog znanja sa studija u praksi.
- (3) Stručna praksa iz stava (2) ovog člana ne predstavlja rad u smislu odredaba Zakona o radu FBiH.

Član 2.

Obaveze Društva

Društvo se obavezuje da će, u skladu sa ovim Sporazumom:

- 1) Praktikantima omogućiti nesmetano izvođenje studentske/stručne prakse u prostorijama Društva;
- 2) Imenovati mentora i pružiti svu drugu potrebnu pomoć za uspješno obavljanje studentske/stručne prakse;
- 3) Praktikantima izdati potvrdu o obavljenoj studentskoj/stručnoj praksi i, po slobodnoj odluci, preporuku o iskazanim stručnim i ličnim kvalitetima Praktikanata;
- 4) Sa Praktikantima zaključiti poseban ugovor kojim će regulisati međusobna prava i obaveze.

Član 3.

Obaveze Fakulteta

Fakultet se obavezuje da će u skladu sa ovim Sporazumom, a u vezi sa odredbom člana 57. Zakona o visokom obrazovanju Kantona Sarajevo kojim je propisana obaveza Fakulteta kao organizacione jedinice Univerziteta u Sarajevu da u nastavni proces uključi odgovarajuće praktično osposobljavanje studenata:

- 1) Društvu dostaviti, ukoliko ih posjeduje, plan studentske/stručne prakse i druge potrebne obrasce;

2) Na zahtjev Društva dostaviti ovjeren spisak praktikanata, kao garanciju da isti imaju status studenata, a koji u skladu sa Zakonom i nastavnim planom i programom su obavezni realizirati praktičnu/stručnu praksu.

Član 4.

Ostale obaveze sporazumnih strana

(1) Sporazumne strane saglasno dogovaraju da će imenovati kontakt osobe putem kojih će se obavljati službena korespondencija i komunikacija.

a) Kontakt osoba za Društvo je: Renka Žunić – renka@praella.com.

b) Kontakt osoba za Fakultet je: Prof.dr. Esmir Pilav, esmir.pilav@pmf.unsa.ba.

(2) Sporazumne strane su saglasne da ovim Sporazumom ne nastaju bilo kakve međusobne finansijske ili druge materijalne obaveze.

(3) Sporazumne strane su saglasne da se sve informacije do kojih se direktno ili indirektno dođe u toku realizacije ovog Sporazuma smatraju poslovnom tajnom i iste ne mogu biti dostupne trećim licima bez saglasnosti druge sporazumne strane.

Član 5.

Mjesto i trajanje prakse

(1) Studentska/stručna praksa će se obavljati u poslovnim prostorijama Društva.

(2) Praktikanti će obavljati studentsku/stručnu praksu u trajanju predviđenom nastavnim planom i programom (ili drugim internim aktom) Fakulteta.

Član 6.

Trajanje sporazuma

(1) Sporazum se zaključuje na period od 3 godine.

(2) Svaka sporazumna strana ima pravo na jednostrani raskid Sporazuma slanjem obavijesti o takvoj namjeri drugoj sporazumnoj strani putem kontakt osobe iz član 4. ovog Sporazuma.


(3) Sporazum se smatra raskinutim kada druga sporazumna strana primi obavijest o namjeri raskida ovog Sporazuma.

Član 7.

Završne odredbe

(1) Sva pitanja koja nisu regulisana ovim Sporazumom, sporazumne strane će riješavati dogovorom. Ukoliko to ne bude moguće, utvrđuje se mjesna nadležnost Suda u Sarajevu.

(2) Ovaj Sporazum je sačinjen u 4 (četiri) istovjetna primjerka od kojih svaka strana zadržava po 2 (dva) primjerka.


Prof. dr. Nusret Drešković
Broj protokola: 07/08-24855/1-2022
Datum: 20.09.2022


Alen Malkoč
Broj protokola: 278/22
Datum: 20.09.2022.